

**De paraphimosi : positiones anatomicae et chirurgicae quas, Deo juvante,
& praeside M. Francisco Chopart ... / tueri conabitur Edmundus-Franciscus
Soupé, theseos auctor.**

Contributors

Soupé, Edmond François.
Chopart, François, 1743-1795.
Royal College of Surgeons of England

Publication/Creation

Parisiis : Typis Michaelis Lambert, 1781.

Persistent URL

<https://wellcomecollection.org/works/h3dzxxu5>

Provider

Royal College of Surgeons

License and attribution

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

5.

DE PARAPHIMOSI

POSITIONES ANATOMICÆ

ET

CHIRURGICÆ

*Quas, DEO JUVANTE, & Præfide M. FRANCISCO
CHOPART, Artium & Chirurgiæ Magistro, Scholarum
Professore Regio, & Academiæ Regiæ Chirurgiæ Consiliario,
tueri conabitur EDMUNDUS-FRANCISCUS SOUPÉ,
Tornodurensis, liberalium Artium Magister, Theseos Auctor.*

*Die Sabbati, 6 Aprilis, anno Salutis 1782, à sēsqui-secundâ
post meridiem ad septimam.*

IN REGIIS CHIRURGORUM SCHOLIS,
PRO ACTU PUBLICO

ET

MAGISTERII LAUREA.



PARISIIS,

Typis MICHAELIS LAMBERT, Regii Chirurgiæ
Collegii necnon Academiæ Typographi, viâ Cithareâ.

M. DCC. LXXXII.

DE PARAPHIMOSI

POSITIONES ANATOMICA

ET

CHIRURGICA

Auth. Dno JOHANNIS, & Puffis M. FRANCISCO
CHOPART, Medici & Chirurgi Magistri, Scholae
Professore Regio, & Academiæ Regiæ Chirurgiæ Consulto,
cuius consilio & munere, & auspicio, & auctoritate
Trombadoris, Librariani Academiæ Medici, & Puffis
Die 24. Martii, anno 1782, & 1783, & 1784
post mortem auctoris.

IN REGIS CHIRURGICORUM SCHOLIS,
PRO ACTU PUBLICO

ET

MAGISTERII LAUREA




PARISIIS.

Typis MICHAELIS LAMBERT, Regii Chirurgi
Collegii necnon Academiæ & Puffis, vix Chirurgi.

M DCC LXXII



D. O. M.



POSITIONES ANATOMICÆ

ET

CHIRURGICÆ.

DE PARAPHIMOSI.

I.

PRÆPUTIUM, balani tegumentum liberum, mobile, laxum, ad dilatationem & corrugationem promptum, vaginam efficit exteriori conflata laminâ, cuti penis continuâ, quæ foraminis modum exhibens quo glandi liberior pateat aditus, in seip-

A 2

sam ita reflectitur, ut interiori, tenuiori, lævique laminâ redeat in valliculam basi seu coronâ glandis hujusce circumscriptam. Quæ quidem ista lamina plures intus obtegit glandulas odoriferas, textumque cellularem, laxiorem quàm in pene, facile inturgescentem & numquam adipe repletum: eadem profectò cellulosis vinculis ad involucrum corporum cavernosorum adhæret; dein replicata in ejus posteriori & inferiori parte, inter colliculos balani sese immittens, iisque ferè ad ostium usque urethræ annexa, frænum præbet quo præputium coercetur ne longiùs retrahi queat.

I I.

Hoc porrò tegumentum in nonnullis apertè desideratur; aut si se prodit, perbreve, & successu temporis, cole sensim excrescente, ita quasi obliteratur ut, in recutitis verbi gratiâ, vix quidquam reperias præputii nomine dignum: in aliis contra, præsertim in pueris, mirum in modum protenditur, adeòque perlongum apparet ut balanus valde in absconso retineatur; in aliis verò breviori aut firmiori fræno adhæret & ægrè retrahitur, aut inter graviores doloris sensus caput penis in erectione distorquens, impotentiae causam explicat: denique glandem ita coercitam quandoque involvit ut denudari nequeat; aliquando retrò deducitur, &, ut reducatur, ab amicâ & peritâ manu auxilium efflagitat. De hocce tantùm ultimo præputii vitio, quod *Paraphimosis* nuncupatur, differemus.

I I I.

PARAPHIMOSIS seu circumligatura ea est præputii retractio ultra balani coronam, tantaque coarctatio ut illud ad anteriora non possit reduci. Multa profectò hujusce ligaturæ repe-

5

riuntur discrimina : alia recens, alia diutiùs confirmata ; alia acuta, alia chronica & habitualis ; alia verò simplex & sibi commissa, alia, ut sæpiùs accidit, inflammatione, doloribus, febrè, gangrænâ, & interdùm venereâ lue stipata. Mentulati verò, neonupti vel libidinosi, quibus præputium longius angustiusque à naturâ datum est, Paraphimosi frequenter laborant : eodem tentantur vitio verpi & qui curtum nascendo præputium obtinuerunt, si fortè venerea ulcera posteriorem hujusce tegumenti partem obsident, unde magis decurtatum retrò corrugatur, aut cùm tumor præputii tumescentem balanum subsequitur, & impedit quominus jam inflatus magis ullo modo possit obvolvi.

I V.

Hujus nimirum morbi natura oculis digitisque facilè dignoscitur. Denudatus balanus à præputio ad glandis radicem retracto atque replicato constringitur : inde circulus sanguinis retardatur aut omnino inhibetur ; oritur inflammatio & invalescit, quâ partes magis ac magis intumescant ; dolores acuti arcessuntur ; urethrâ compressâ, mictio fit difficilis, laboriosa, & quasi ex stillicidio ; accenditur febris ; serum tenue, viscidum, putrescens è balani præputiique superficie exsudat ; in rugis annularibus frænove præputii oriuntur complures vesiculæ cristalloides quæ gangrænâ ingruentem prænunciant ; tandem sphacelus balanum corripit. At verò Paraphimosis nec periculum nec gravem molestiam importat, dùmmodo minori coarctatione partes afficiantur ; tum lamina præputii interior frænumve impactâ lymphâ turgent ; tumor vel mollis & quasi ædematodes, vel durus & skirrodes producitur, qui mitioribus comitatur symptomatibus & generationis operi tantùm nocet.

PRO mali naturâ variisque hujus effectibus varia instituitur prognosis. Quò magis recens est & benignum, eò faciliùs profligatur; quò diutiùs inhæret inflammatione comitatum, eò certius periculum imminet ingruentis gangrænæ; ideòque vividiori conatu ablegandum: si malignum, seu venereis symptomatibus fœtum exsurgit, tum gravius est & curatu perdifficilius.

V I.

PARAPHIMOSEOS curatio sic absolvitur: præputium retractum & glandem strangulans laxetur & reducatur. Quod quidem facile obtineri potest in recenti circumligaturâ, si colis in aquam frigidam demissus, inter utriusque manûs indicem & medium digitos subitò comprehendatur; & si balani latera per admotos pollices comprimantur & intùs repellantur, dùm præputium aliis digitis gnaviter antrorsùm adducitur, donec balanus longior inde factus, & exilior omninò contactus remaneat. Ea verò reductio difficilis evadit, cùm glans jam tumens inflammatione tenetur; imò etiam eadem sæpè alio non potest modo fieri, quin prius emollientes adhibeantur fœtus, balnea lactis oleive tepidi & quandoque venarum sectiones celebrentur; quæ dum peragitur, gravioribus & eheu! ineluctabilibus ægri sæpissimè cruciantur doloribus: longè igitur fatius esset, reductione semel infelicitè tentatâ, partem præputii nimis adstrictam scalpello discindere; quo nova Paraphimosis aliundè averteretur. Hujusce autem operationis urgentem indicat necessitatem gravis inflammatio penis in gangrænâ mox abitura, & hic est modus operandi; plicæ corrugati præputii hinc & inde imprimis ad utrumque fræni latus & juxta balani coronam ubi fortiores insident, quàm celerrimè incidantur perpendiculari & satis altâ

plagâ ut tegumentum illud solutum liberè ad extremam glandis ad-
ducatur: cavendum tamen est ne eâ sectione corporum cavernoso-
rum involucrum vel urethra lædantur. Quo factò, ritè fovean-
tur incisiones, eluantur atque detergantur injectionibus decocti
hordei cum melle rosaceo, donec ad exoptatam cicatricem
deveniant: expedit etiam, ut æger præputium circa glandem
extremam comprehensum urinâ irriget, illudque summâ curâ
ad balanum trahat, eòque retrahat, ne fortè partes sibi invi-
cem agglutinentur: id quoque non minoris momenti est, ut
penis semper sursùm & ad ventrem supinus leniter alligetur.
Si tandem quid sphacelo correptum reperiatur, cautâ manu
etiam scarificandum, tùm ut ruga, si quæ est, abditè coarctans
laxetur, tùm ut sanguis putridus effluat, & topica ad putre-
dinem coercendam opportuniora altiùs faciliùsque penetrare
queant. Deinde partis mortuæ secessio solis est naturæ viribus
committenda.

